

欽定剿平三省邪匪方略

欽定剿平三省邪匪方畧正編卷四十一 丁巳年

六月十六日 乙酉 汪新奏言現在賊旣竄聚陝蜀

界上距襄陽已數百里所有惠齡前派留防各

隘之兵多在漢江北岸此時應行變通調撥未

便遲延查前准惠齡札調鄖屬鄉勇赴營協剿

諒因兵力尙單之故正宜將此項留防官兵掣

撥協助臣現咨會留襄防守之荊州協領喜格

等管帶原駐夾河洲滿洲兵五百二十員名原任延綏鎮總兵楊秀管帶原駐老鶴灘清河口及棗陽等處官兵六百五十九員名侍衛特務額管帶原駐小河口及健銳營留養病痊官兵一百三十六員名侍衛烏什哈達管帶原駐老河口官兵一百十八員名通共官兵一千四百三十三員名卽日調集分起前赴惠齡軍營隨

同進剿以期聲勢益加壯盛立殄逆氛臣又思
竹谿竹山一帶山深地曠接近川省要隘甚多
雖有劉君輔馬瑀往來巡堵誠恐原帶兵少未
能處處周密現復咨會總兵徐昭德管帶原駐
夾河洲潘家臺等處官兵五百六十八員名前
赴竹谿竹山一帶協辦堵守遏絕賊蹤此外尙
有原駐武家坡等處江西官兵四百名及原守

襄陽郡城兵四百七十餘名現擬撥守房縣總
監及爲留襄彈壓之用如此量爲掣撥於防剿
均得有益臣已飛咨惠齡知照一面傳催星速

起程奏入

上命軍機大臣傳諭汪新曰現在賊匪竄往川陝界
上距襄陽甚遠從前留防之兵早應撤出調往協
剿茲據汪新查明始知各處防兵尙有二千八百

七十餘名之多以如許有用之兵置之無賊之地
殊屬無謂汪新現調漢江北岸各處防兵前赴軍
營自應如此辦理至派往竹谿竹山防守之兵五
百六十餘名原屬過慮但劉君輔等現由鄖陽馳
往大寧剿賊亦猶兵力若汪新已將此項官兵派
往卽毋庸另行改撥至襄陽地方久已無賊不必
徒勞兵力其原留郡城之兵四百七十餘名足資

彈壓此外尙有原駐之江西兵四百名如尙需用
則已如無需用之處卽令撤回本省歸伍

十九日戊子柯藩奏言臣帶領漢土官兵於五月

二十五日趕至石泉適值大雨如注二十七日

行至子午谷河水陡長丈餘不但阻隔過渡即

摺報亦皆阻滯臣心急如焚隨赴沿河查勘適

有本地居民擺渡小船一隻可以容載數人暨

傳喚兩岸民人多備繩纜繫定船之頭尾往來

緯拉計兩日內可過渡一千名

臣

率同艾如文

一齊過渡先將已渡之兵帶領起身前進其未

渡官兵並馱載軍火等項面飭帶兵各員迅速

催趨過渡接續前來

臣

等於六月初二日趕至

西鄉撒拉爾頭一起回兵於初三初五日先後

到縣

臣

查知間有未帶器械因於西鄉汎內撥

給烏鎗三十五桿其刀矛鑼鍋帳房等項當告

知漢興道文需趕辦齊全初六日卯刻據西鄉

縣知縣文在人稟報二股賊匪內分出一股千

有餘人於初三日夜過九元關

臣

查西鄉一帶

路徑處處可通川省又與漢中連界

臣

遂同艾

如文田有成共帶兵一千五百餘名卽日自西

鄉起身趕赴前途迎剿一面札飭副將李文蔚

都司馬良材將頭二兩起回兵迅速帶領前來
一面飛催未到之三四起撒拉爾回兵急來接
應奏入

上命軍機大臣傳諭宜綿明亮柯藩曰前此柯藩在
洵陽一帶防守聞賊匪竄至漢陰卽以防守興安
郡城爲名渡江而南及賊由白馬石一帶竄往西
鄉太平柯藩正應趕往迎剿乃又渡江北至漢陰

石泉以致適遇江水長發待渡耽延賊在北而彼向南賊在南而彼向北殊不可解著再傳旨嚴行申飭此時頭股賊匪早已竄往太平第二三股自必思與合夥昨據惠齡等奏行至西鄉小溝地方尙未趕上賊匪而柯灤現由石泉至西鄉縣城更在惠齡等之後該提督前此避賊畏葸卽應按照軍法治罪今從寬仍留提督本任令其帶兵自贖

此時撒拉爾回兵既到柯藩務宜痛加愧奮或趕
上惠齡一路幫同剿殺如能奮勉殺賊擒獲首逆
尙可補救萬一倘仍前玩悞則二罪並發卽關伊
身家性命不可不慎也

二十日己丑觀成奏言臣遵奉

諭旨前赴大寧督率剿辦隨帶滿漢屯土官兵五百

餘名於五月二十一日自大成寨起身三十日

馳抵大寧適前調省兵五百名亦已趕到接據
知府張至軫等稟稱賊匪於二十五六等日連
次撲卡均被官兵擊退當卽飛飭嚴密防守臣

一面督兵加紧前進初二日馳抵龍溪距賊匪
屯聚之九龍池十餘里卽行駐劄查九龍池山
勢陡險東西兩面無路可通南面峯巒矗立俱
係密箐深林詢問土人向無行跡惟迤北一帶

山梁野猪城石滾坪各有路逕已被賊人挖斷
上豎木城臣當將各路卡隘布置嚴飭將弁兵

勇加緊堵截初三日黎明大霧瀰漫賊匪潛過

溪溝欲撲洗沙溪當派遊擊愛隆阿都司徐棐
率領官兵分路接應乘勢剿殺割獲首級十三

顆生擒賊匪二名當卽正法餘匪退回查賊匪
從黑天池紅線岩逃聚九龍池一處臣現在揀

派幹練兵勇分投躡探路逕並飛飭前調新兵六百名卽日到齊相機進剿再前經張至輪愛

隆阿等擊獲賊目陳青雲臣路過大寧監提審

訊據供係首逆陳崇德徒弟本年四月內陳崇

德寄信令其糾夥接應當經糾約王加梅向穀

振等二十二人並製造鳥鎗木礮要進九龍池

正在起事卽被官兵圍住盡數殺死伊亦卽被

擎獲等供當將該犯凌遲梟示所有前派
照辦員弁尙屬認真臣仍飭令帶領兵勇隨同打仗

奏入

上命軍機大臣傳諭宜綿觀成劉君輔曰觀成奏馳抵大寧並截殺撲卡賊匪情形所辦尙好閱圖內九龍池賊巢外祇有賊卡三處官兵擎卡緊逼勢已窮蹙況該處賊匪無多官兵未到之前地方文

武尚能擒獲賊目陳奇雲則賊之伎倆已可概見
今觀成帶兵五百名到彼卽得勝仗其續調兵六
百名此時自己早到看來賊勢亦斷不至竄入竹
山竹谿劉君輔馬瑀徐德昭竟不必在彼株守宜
加緊行走速赴大寧與觀成會合夾擊一經竣事
均卽帶領勝兵馳赴太平西鄉一帶幫同宜綿等
迎剿楚匪迅速歲功惟圖內賊巢東西北三面俱

有官兵營卡南面較空雖該處皆係大山又有溪
河可以攔阻但究恐賊人因官兵三面進壓乘隙
向無卡處南竄至雲陽一帶追捕又形費手劉君
輔等到齊後兵力衆多應遵照硃筆標識處所酌
分官兵拏卡圍逼此爲最要

二十二日辛卯宜綿明亮德楞泰奏言查賊匪竄
至陳家壩後並於附近之苦草壩安子坪冉家

壩汪家山分隊屯紮臣等當將各營卡兵勇酌

量抽調分布堵剿自陳家壩移營前進初三日

臣德楞泰督率總兵達善泰等由天星橋之南

臣明興率同副將德寧長春等帶領兵勇由天

星橋之北直搶冉家壩生擒賊目王德貴等三

十一名臣明亮穆克登阿西津泰督率巴圖魯

侍衛等帶領兵勇由蘇家坪直搶安子坪生擒

賊目陳明彩等二十七名兩路官兵乘勢追剿
賊匪踉蹌奔竄帳房器械沿途拋棄初四日進

抵苦草壩汪家山賊衆自知不能抵禦復退屯

精忠寺山包

臣明亮穆克登阿紮營其南

臣德

楞泰達音泰紮營其北口派副將扎勒杭阿等

帶領官兵由七里峽赴

臣言山協同原派將弁

截其東竄新寧之路又派守備樊模等帶領鄉

勇在山坡埋伏是日夜半賊匪欲由觀音山梁
竄走潛至半山兵勇鎗礮齊發殺死賊匪四百
餘人餘衆不能竄出始行退去守備樊模因黑
夜撲入賊羣身受矛鎗負命初五日賊匪復糾
集醜類覓路逃生臣德楞泰急率達音泰等帶
兵前往截殺賊匪相持不退達音泰射死執旗
賊目二名侍衛等亦各射死賊匪數名乘勢壓

下漢士各兵奮勇攻擊賊始暫退旋又傾巢而出與官兵接仗兇悍直前不避鎗礮西津泰首先衝入賊隊手刃十餘名賊衆披靡其勢稍却遊擊陳天雲陳大定繼之兵勇一擁而進賊匪力不能支始行敗退西津泰及陳天雲皆身受重傷陣亡臣明亮德楞泰穆克登阿督率各兵乘勢剿殺其時千總陳華領帶鄉勇羅思舉等

從山後撲入賊營賊衆紛紛奔竄三面官兵鎗
礮並施極力殲戮自寅至午凡殺賊二千餘人
生擒男婦三百餘人內熊沃明係熊沃霞之弟
與亢作俸均係僞總兵徐王氏係徐添德之母
徐大才係徐添德之姪王楊氏係王三槐之母
熊沃明受傷甚重與餘賊先行分磔臬示並訊
據亢作俸等供稱賊匪分爲兩股徐添德王三

槐等帶領一股向西奔竄孫老五現帶一股尙

在精忠寺附近之磨子壩山溝內屯紮等語初

六日黎明

臣明亮穆克登阿卽帶兵勇往西剿

殺徐添德等一股

臣德楞泰查看磨子壩一帶

松林茂密延長十餘里下皆稻田路徑糾仄遠

望炊煙騰起

臣

宜綿等在精忠寺山梁催儕各

兵勇預備策應

臣

德楞泰率同達音泰等步行

聯絡而進將抵磨子壩副將玉柱見前面高嶺
上有騎馬賊自身穿綾襖正在率衆指揮該副
將趕上用鎗擊中賊目滾跌下坎賊衆敗退玉
柱等壓下山坡適有賊數人帶領夥黨從旁趕
到捨命格鬪以致玉柱及都司安如峒守備蕭
文印受傷陣亡臣德楞泰率領巴圖魯侍衛等
與賊匪奮力抵敵撲壓數十次賊衆潰散我兵

分投追趕當將賊匪一千餘人殲戮淨盡並拏獲胡成榜等七十一名訊據胡成榜供稱中鎗落馬之賊係教首孫老五訊之餘賊衆供確鑿查首逆孫老五卽孫士鳳在教匪中輩分最高賊衆均稱孫老師父卽徐添德等無不拱手聽命凡陝西之興安四川之達州巴州湖北之來鳳等處該犯傳徒甚衆實爲三省傳教首惡去

歲從太平起事旋又竄至東鄉數月以來倅逃

顯戮此番雖未能生擒正法而臨陣殺斃亦足

以快人心徐添德王三槐等雖一時免脫然窮

蹙之餘其勢諒不能遠竄臣德楞泰現在星夜

整兵會同

臣明亮等竭力圍剿

臣宜綿飛飭巡

西各卡加意嚴密相機截殺此次陣亡受傷弁

兵鄉勇查明分別咨部其節次打仗尤爲出力

之文武員弁開單呈

覽再

臣

宜綿接據川北道李鎔稟稱五月十八日楚

省竄匪一股由紫陽而至太平之大竹河因堵

禦嚴密折入城口一帶焚掠欲奔大寧現在屯

紮修溪壩又有一股由西鄉之漁渡壩而至通

江之竹峪關又一股現在漁渡壩勢欲直奔太

平又據通江縣知縣涂陳策稟稱竄匪將竹峪

關佔據居民逃避現在團集鄉勇在洪口塘防堵等情查太平大寧交界各隘口臣宜綿原派

都司李廷臣帶領兵勇在彼堵禦賊匪未能衝

過其北面與西鄉交界地方遊擊謝開先帶領兵勇處處設備李鋐在城彈壓策應似可無虞

臣宜綿前派遊擊韓以明帶兵五百名續派

川北鎮總兵朱射斗帶兵一千八百餘名均已

趕抵太平正可相機剿堵惟通江縣治並無城
垣竹峪關既被佔據距縣百餘里賊匪率衆狂
奔非會合方山坪之黨卽窺伺通江縣治所過
村莊曾經習教伏而未動者尙多庄等擬先令
穆克登阿酌帶兵千餘名馳赴通江相機截殺
並飛飭百祥將方山坪北面各隘口加意防堵
毋令竄合

同日惠齡恒瑞慶成舒亮奏言

臣

等行抵小溝

地方被水阻滯至初三日雲氣稍開水勢漸退

隨飭各弁兵疏洩積水砍竹紮筏以便過渡初

四日復大雨傾注路仍被淹筏亦衝散初五日

午間雨始稍止當卽督兵前行沿途遭探賊蹤

弁兵陸續轉回據稱賊匪現在漁渡壩附近一

帶離此二百餘里等料賊匪亦必因山水漲

臣

發難于遠竄隨衝泥涉潦倍道前馳初七日行
至安坪距漁渡壩尚八十餘里午後雷雹交作
暴雨滂沱山水驟漲正在紮營據帶領馬隊副
將觀祥等差弁報稱山頭水湧丈許巨石亂滾
而下馬兵間有損傷器械帳房隨水漂流衝失
當經巴圖魯三等侍衛台費英阿等帶兵數十
名馳往該員等被水衝倒跌落山溝天已昏黑

不能尋覓臣等一面差派官兵帶領本處民人

打撈具報次日仍督兵前發探得各股竄匪已

分入川省太平通江一帶查太平爲入達州之

路通江爲入巴州之路該二處均有匪徒屯聚

臣等前因柯藩艾如文已至西鄉回勇亦經陸

續到來是以飛札囑令就近帶領迎頭截剿與

臣兩面夾攻詎此處崇山峻道無路抄截又當

大雨時行未能尅期追及 惠齡現復飛札宜

臣

綿柯藩等嚴飭官兵分頭堵截倘能將竄賊截

住

臣

等督兵追及正可迎頭痛剿惟有鼓勵官

兵趕緊行走務將賊匪痛加殲洗以期稍贖前

愆均奏入

上命軍機大臣傳諭宜綿明亮德楞泰惠齡曰宜綿等奏官兵連日殲戮賊匪鎗斃百逆孫老五並擒

獲各首逆家屬所辦俱好奮勇可嘉惟西津泰等
殺賊陣亡深爲可惜著咨部照副都統例議卹玉
柱陳天雲安如峒蕭文印樊模均著咨部加等議
卹所有出力文武員弁均著照所請加恩此次打
仗出力官兵賞給一月錢糧鄉勇賞給一月口糧
以示鼓勵現在賊首徐添德王三槐之母均被官
兵拏獲而賊首之師孫老五亦已鎗斃看來賊勢

已形窮蹙但楚匪兩股竄入太平一股竄入通江
該處俱與方山坪相近而徐添德王三槐西竄亦
欲與方山坪賊匪合夥雖經宜綿派令朱射斗穆
克登阿先後帶兵前往太平一帶截剿但所帶官
兵僅二千八百餘名未免稍單而楚匪全夥竄入
恐不足以資堵剿惟望宜綿與明亮德楞奉上緊
追捕迅擒首逆移師太平通江一帶幫同截殺而

惠齡等彼時亦可由北下壓兩面夾擊則姚之富
李全王廷詔齊王氏等亦不能再有逃逸又據惠
齡等奏官兵行至安坪地方山水驟漲丈許侍衛
台費英阿等被水衝去此皆惠齡等不誠不敬所
致爲將之道總在察看天時地利知所趨避方能
計出萬全今當大雨時行之際紮營地方適當山
水之衝豈非置之死地惠齡等著傳旨申飭至官

兵等行走勞苦朕心深爲軫惻所有衝矢之侍衛
官費英阿色克通阿及把總鄒國泰等四員及兵
丁等均著加恩照陣亡例議卹其餘冒雨被水兵
丁均賞給一月錢糧以示體卹並著將此旨傳齊
官兵面加曉諭以伊等若遇帶兵大臣調度得宜
早可殺賊立功今因惠齡等種種遲延致令官兵
冒險受苦其咎皆在主將而伊等實爲勞勸是以

特加恩賞庶使官兵共知感奮至賊匪全夥已竄至太平通江一帶可見賊匪經過西鄉時並未被山水所阻而惠齡等不能跟蹤追剿落後數日以致猝遇水發今尙稱賊匪亦必因山水漲發難於遠竄藉詞支飾是直無羞惡之心者矣此時若再不知懼知愧趕上賊夥奮力剿殺自思尙安所逃罪耶

二十四日癸巳額勒登保福寧奏言查大塊口爲

芭葉山要路賊匪見官兵圍逼嚴緊死守抗拒

而大塊口從分水嶺山溝折而向南有斜嶺一

道勢如魚脊上至嶺巔方爲要隘賊人於兩面

連築石卡木城以爲抵禦前此官兵由分水嶺

溝內接拏營卡距賊卡尙有里許臣額勒登保

於初五六兩日復督率官兵拏卡直逼斜嶺賊

匪抗拒益力

臣

等再四察看僅在一處仰攻恐

不得力查得斜嶺之西係分水嶺山溝東面爲

牛拉子均屬亂岩陡壁本無道路其高處雖亦

有賊卡尙不甚密遂抽調官兵於初九日五鼓

臣額勒登保帶同綸布春等由西面進攻官兵

將火彈擲入石卡焚燒卡房攜帶樹枝填塞濠

溝衝破卡牆梯援上城賊匪鎗石俱下均在西

面抵禦不料官兵等從下牛拉子攀援上嶺已
將東面賊卡剿淨諸神保等帶兵亦撲入斜嶺
卡牆賊匪慌亂出城我兵兩面刀矛砍截殲斃
無算隘口賊匪見木城已失飛趨而下放鎗擲
石我兵施放連環鳥鎗賊復退回隘口將大石
接連推墜官兵攏牌多有擊碎者副將朱士奉

候補叅將孫清元守備張超馬成林千總岑現

佩俱受鎗石傷我兵恐難進攻當卽就賊之木
城劄住計殺賊不下二百餘人捨得鐵礮鎗矛
六十餘件臣福寧督兵攻擊二埢口賊匪公然
出卡下壓馬訓褚大榮馮振先等於坡下箐林
預伏突出截殺斃賊六十餘人餘匪逃竄因二
埢口坡勢太陡未能深入臣等彼此知會自應
併力由此進攻臣福寧酌留將領防守鄆陽關

營卡外連夜抽撥官兵卽至

臣

額勒登保營內

駐劄初十日四鼓卽帶領巴圖魯侍衛鎮將兵

丁等於斜嶺兩旁分頭潛上賊匪知覺放鎗擲

石官兵人人奮勇五鼓已搶至賊人第三層木

城之上斫破木城用噴筒火彈延燒賊卡賊匪

於火光中急奔隘口被我兵擊殺其隘口之賊

見官兵聲勢甚大祇於卡牆木城內放鎗擲石

並自將竄回賊匪擊斃滾墮我兵右擊左衝天
甫黎明將賊匪接紮之木城盡行躡蹋燒燬賊
屍遍地器械包穀等物拋棄無算復於坡坎等
林中搜查砍死竄匪亦多我兵乘勢上攻隘口
節次搶撲乃山徑愈上愈陡賊匪從卡城施放
鳥鎗推石滾木並於山隙峯腰潛放火礮遊擊
褚大榮都司陳時昌千總朱子萬羅聲臯葉培

英何振剛土都司阿朋土守備喇卜達等均受
鎗石傷土都司阿托中鎗陣亡時已午後遂令
各兵接拏營卡四處連夜深挖濠溝以備賊匪
潛下十一日復令官兵攜帶土囊樹條一面擊
賊一面拏卡二處現與賊匪所築之卡牆木城
緊逼晝夜攻打連日進剿官兵等衝突直前
攀越險阻奮不顧身臣等幾至目不忍視賊匪

兇悍已極總由自知無路得生捨命抵禦連日
殺賊四百餘人並無婦女可見俱係兇惡逆賊
臣等惟有嚴飭各路將領加意堵禦杜其逃竄
仍刻卽設法攻取隘口速擒首逆

同日惠齡恒瑞慶成舒亮奏言臣等於賊匪偷
渡漢江毫無覺察種種貽誤欽奉

諭旨備荷

聖慈不加重譴暫留本官於萬難解免之中予以立功自贖之路感激涕零矢以身報查臣惠齡廣

成追剿自黃龍舖西竄之賊探知賊分數股向
前奔逃滿擬中隔漢江斷難飛渡詎十七日晚
馳至漢陰廳詢問該處文武始知先有一股賊

匪於十二日在紫陽縣屬之白馬石搶船渡江

之事是時臣等所追之賊尙未竄至該處恐其

尋蹤而往是以趕緊前追於十九日申刻馳抵

漢王城賊尾正在爭渡雖經官兵奮力邀擊而

在前之賊業已過江前竄當場拏獲賊匪男婦

多名訊明正法並獲代賊僱船之錢正萬等交

臬司先福等悉心究問據稱賊匪於十二日在

白馬石搶船偷渡後至十八日夜又有各賊前

來漢王城逼令催船渡江等語是頭起賊匪於十二日搶船過渡後至十八日後起之賊始行

渡江其柯藩所奏總兵艾如文於十七日在簡

池舖截殺之賊卽係臣等所追一股是臣等離

頭起偷渡之賊已隔七日卽後起之賊亦隔一

日失察遲延罪無可免臣等於二十二日渡江

時業將錢正萬等解交秦承恩收審現有活口

可憑而預飭地方官移船南岸一事係於五月

初一日札行

臣

等斷不敢飾詞妄奏至

臣

恒瑞

追剿東竄之賊於初九日行至七里碥探知賊

匪被鄖西鄉勇阻截亦折向西逃並探得柯藩

駐兵趙家灣一帶恐賊匪不能越過繞向北趨

臣 恒瑞復向米糧川西毛坪一路抄截不意賊

匪直向西逃迨

臣

恒瑞探確賊蹤覓路追襲而

居民避賊未歸無從問路日向深山小徑曲折尋途以致欲速遞遲於二十三日渡江趕與

惠齡等會合此係實在情形總因臣等知慮短

淺不能預行分兵抄至江邊攔截何敢諉罪他人今仰蒙

主恩分路帶兵各領隊查此時各股賊匪已盡竄

向川省通江縣境臣等現經揀選精銳官兵累

帶口糧倍道星馳分途前進務將各首逆悉行
追及設法剿捕斷不敢藉詞觀望少誤軍機均
奏入

上命軍機大臣傳諭寧綿明亮額勒登保福寧曰此
次額勒登保統領官兵連克大境口木城石卡殺
賊四百餘名實在出力可嘉據奏攀陟險阻衝冒
矢石各情形幾於不以披閱額勒登保福寧著各

賞金鑲寶石帶頭玉喜字牌玉搬指大小荷包綸
布春諸神保張廷彥著賞給玉喜字牌玉搬指大
小荷包其受傷之副將朱士鳳叅將孫清元遊擊
褚大榮都司陳時昌守備張超馬成林千總岑現
佩朱子萬羅聲皇葉倍英何振剛土都司何明士
守備喇卜達均著賞給玉搬指大小荷包仍與出
刀各員弁一併咨部議敘此次打仗各兵及屯土

官兵均著賞給一月錢糧陣亡土都司阿托著優
賞土叅將職銜咨部議卹再加賞銀二百兩並查
明該土弁如有子嗣卽令其襲戴加賞頂戴又據
惠齡等復奏一摺惠齡等前此行走遲緩不能截
殲賊匪致得偷渡漢江今又因途次雨阻賊匪竄
逸愈遠而摺內尙稱尾擊賊匪拏獲男婦多名實
屬無恥之至又據奏恒瑞追剿東竄之賊折而向

西因探得柯藩駐兵趙家灣一帶諒賊匪不能越
過不意賊匪直向西逃等語是賊匪偷渡漢江竟
係柯藩不能堵剿所致惠齡身爲總統恒瑞亦係
領兵大臣旣知柯藩貽悞何以僅於摺內畧爲敘
及並不嚴叅統俟宜綿查叅到日再行核辦惠齡
恒瑞慶成柯藩舒亮著宜綿督率帶兵打仗看其
如何出力倘復有仍前觀望者卽據實指名嚴叅

將伊等從重治罪

上又命軍機大臣傳諭秦承恩曰惠齡等奏前獲代賊
僱船之錢正萬等解交秦承恩收審錢正萬旣爲
賊匪僱船必有與賊通同情事秦承恩近在興安
業經惠齡將該犯解往自應嚴切錄供速奏該地
方官漫無查察任令錢正萬爲賊僱船偷渡亦當
一併嚴叅卽前此飭令將接到惠齡等傳知並不

將船隻停泊南岸之地方官查叅一節亦尙未據
奏到著秦承恩卽澈底究明嚴行定罪覆奏毋得
再有遲延回護

二十七日丙申宜綿明亮德楞泰奏言據川北道

李鋐等稟報賊匪三起先後竄入太平之城口
及漁渡壩等處城口主簿蔣曰紀帶領鄉勇向
前堵禦連次殺賊二百餘人因衆寡不敵遂被

戕害並有一股在通江之竹峪關到處焚掠是

以臣復酌派穆克登阿帶兵前赴通江預備迎

擊茲以楚北賊匪由陝偷渡漢江竄入川界奉

旨命臣宜綿總統一切軍務跪誦之下惴懼萬分就

目下情形而論太平一帶地方極關緊要臣等

三人自應酌量分兵力籌兼顧第現在川省賊

匪自經官兵攻克重石子香爐坪等處雖殲斃

已逾萬餘而首逆徐添德等尙未全擒 等自

十二日以後分兵追剿賊匪復由蓮花菴折至

徐家山

臣明亮德楞泰督率提鎮侍衛將備等

晝夜追逼斃賊復不下千名並生擒王三槐之

妻王陳氏及幼女一口賊匪爭乘眷屬踉蹌奔

逸現在大兵均於義城山東北兩面及七里峽

一帶併力圍捕近日由陝境竄入通江之賊復

分兩股一由爛池子竄至巴州之黑山子欲與

方山坪合夥一由王家壩翻山至東鄉中河之

赫石寨爲糧道攸關與此刻徐添德等竄聚之

徐家山地方相去不過一百餘里其勢益形牽

掣臣伏誦

聖諭以爲官兵宜合不宜分賊匪利分不利合

機宜所示

洞燭靡遺是以臣等再三籌酌如將現有兵力一時分顧太平則此間兵力實單萬一偶有隙忽致

令將次就盡之賊匪徐添德等復肆鴟張正所

謂顧彼失此萬萬不敢幸運日以來節據太平

一路文武稟報竄至城口之賊本揚言欲入大

寧經臣飭令都司李廷臣督率鄉勇迎擊於後

圍山一帶堵禦甚嚴未能竄合仍退入修溪壩

等處屯紮其竄至漁渡壩者經李鉉謝開先等
帶領鄉勇先於鹽廠關地方堵禦未能過界又

竄至秋波梁適臣派往之朱射斗到彼迎頭截

殺斃賊數百人現經該鎮督率參將王清弼遊

擊王威寧於清花溪蔡家溝長壩石岸口分佈

堵剿兵勇頗爲得力其竄至竹峪關之賊亦經

署通江縣知縣涂陳策署守備馬國柱團練鄉

勇於響塘城洪山塘一帶嚴行防範不敢窺伺
縣治以上各路情形辦理尙屬鎮靜但撥去官
兵及所募鄉勇堵禦則尙可支持剿辦則究屬
不足且該處地方遼闊查惠齡等所帶官兵自
已早抵陝蜀交界臣已飛咨惠齡等酌留官兵
五六千名預防賊匪折回興安之路其餘官兵
惠齡自必察看形勢或另覓道路繞出賊前或

從賊後衝擊而出一抵川境合之朱射斗等所
帶官兵相機剿辦又恐後路兵丁力量稍疲計
算前調撒拉爾回兵正可趕到應」併檄令來
至太平以供調派如此辦理此一路旣無兵分
力薄之虞而太平一帶仍可收前後來擊之效
所有自通江分竄之賊其旣到黑山子者如果
竄入方山坪正屬自投陷阱可爲一鼓殲擒之

舉惟繞至東鄉中河赫石寨之賊現與徐添德等相距不遠而中河後河一帶均係達州東鄉太平往來糧餉要道臣等此刻一面設法擒捕首逆一面知會穆克登阿母庸前赴通江卽帶兵前赴赫石寨務將此股賊匪全數殲除不得任其滋蔓至大寧賊匪前已遵

首令觀成到彼督辦刻下正在設法進兵該處距城

口路逕或八九百里或六七百里不等其勢未能聯絡惟於竹山竹谿相去較近

臣

現在飛咨

劉君輔馬瑀徐昭德等於川楚邊界認真防範

如果該處地方寧謐並令於該提鎮內酌派一

員帶兵馳赴大寧協同觀成攻剿於事當更爲

有裨總之刻下賊匪旣已竄入川省則較之蔓

延各省之時自覺易於剿辦但賊匪狡詐伊等

雖名爲同教而勢力各有不同察其形跡自必
欲各據一處以爲牽制官兵之計臣體察大局
在各路之佈置固不可不周而重兵所在仍當
以首逆爲重惟有仰仗

天威肅清一起再辦一起庶幾根株淨盡餘孽不致
復萌奏入

上命軍機大臣傳諭宜綿明亮德楞泰惠齡劉君輔

日連日盼望宜綿等捷報幾於宵旰靡寧本日奏
到之摺尙係分兵布置堵剿各路竄入楚匪情形
未爲滿意然調度尙爲得宜所有防堵之道員李
鋐等如果始終出力著查明咨部議敘主簿蔣曰
紀剿賊陣亡著咨部加等議卹其竄往太平城口
及漁渡壩竹峪關等處之賊因見各處均有兵勇
攔截不敢肆行窺伺而竄至秋波梁之賊又爲朱

射斗截殺多人其通江分竄至黑山子賊匪若果
與方山坪賊匪會合正是自投陷阱該處現有百
祥帶兵在彼倘兵力尙有不敷著宜綿派鎮將帶
兵前往協剿更易撲滅看來川省防堵嚴密賊匪
不能直前奔竄惠齡等務遵照宜綿調度卽帶官
兵及撒拉爾回兵或覓徑繞出賊前或從賊後衝
擊與朱射斗兩面夾攻惠齡等節次貽悞若能於

宜綿等未到之前將首逆擒獲尚可將功折罪至
所稱飛咨惠齡等酌留官兵五六千名預防賊匪
折回興漢一節賊匪全夥俱竄川境愈去愈遠斷
無折回興漢之理宜綿未免過慮現在惠齡一路
官兵共一萬二千餘名若再留五六千名防堵興
漢則兵力又單不敷剿賊之用惠齡奉到此旨卽
將所留之兵全數調往軍營剿賊不可稍有遲悞

再城口賊匪距大寧遠至八九百里不等賊匪揚
言欲向該處明係牽掣官兵奸計宜綿等料其不
能聯絡所見甚是觀成到大寧後已得有勝仗而
續調之兵此時自己早到前經降旨令劉君輔馬
瑀徐德昭不必在竹山竹谿駐劄徑赴大寧協剿
著該提鎮等加緊行走迅抵該處會合夾擊

同日秦承恩奏言竊思惠齡等帶領大兵先由

商雒分路入陝軍火糧餉俱自西安省城由商
州孝義兩路分設臺站挨次滾送迨後賊匪東
奔西突竄入深山徑小路雜大兵分起兜圍跟
蹤追趕各營糧餉又由總臺雇覓夫驟緊隨分
運至興安府屬之漢陰廳地方賊匪會合先後
西竄距西安較遠是以另由西安府安設總臺
一由紫陽一由漢中俱匯聚西鄉分運惠齡等

於五月二十六日行至小溝等處阻雨停住七
日六月初四日始移營前進各股賊匪亦因雨
阻復由太平邊界折回西鄉之漁渡壩九元子
竄至通江邊界其先入川省城口場南溪之賊
竄至大寧邊界幸重石子等處賊匪已經宣綿
等剿殺餘匪無多奔竄東鄉大兵緊隨圍困殲
滅在卽宜綿分兵三千堵禦楚匪已抵太平惠

齡恒瑞慶成巴克坦布舒亮柯藩丈如文等俱
已分路向九元子漁渡壩一帶合擊共紫陽縣
之土地嶺毛壩關等處潛匿遺匪經富爾賽逐
日搜山剿洗淨盡臣以該處爲川陝要隘路通
興漢札會富爾賽駐守堵捕以清後路兼防楚
匪返竄並准英善咨會川省軍營需用夫役幾
及十萬楚匪入川後各路大兵軍火糧餉勢難

兼顧

臣

查由興安而至川省幾及千里崇山峻

嶺路窄而陡夫苦登陟馬不能進每夫負米二

斗攀援而上隨兵行走日食一升一供兵一自

贍十日而二斗之糧卽盡官兵二萬肩運之夫

卽需二萬附近居民多已逃避太平一帶壯者

充當鄉勇弱者不能負重且時值農忙每名日

給銀二三錢亦無夫可僱

臣

現分札西鄉附近

州縣設法協濟所有米麥乾麪火藥鉛丸火繩
總期寬爲預備源源接濟無悞兵食其一切腳
價雜支截至出境之日爲止按照章程將銀兩
彙解川省委員聽其就近支應臣再隨時察看
如果相隔過遠川省可以接辦再與宜綿酌定
停運再查撒拉爾回兵陸有仁接准宜綿咨當
卽檄令起往由鞏昌白馬關取道漢中行走查

自循化至漢中計程二千里漢中至西鄉二百四十里俱係崎嶇山路該回民等途中念經一日阻雨二日於五月二十五六七暨三十等日全抵漢中已前赴西鄉九元子進剿

奏承恩又奏言臣欽奉

諭旨漢江北岸船隻前據惠齡等奏稱已屢飭該地方官速行移泊何以復被賊匪搶船偷渡令查明

速奏

臣

查楚匪西竄前於四月初六日卽札飭興

安文武各官將一切船隻收歸南岸初十日復

札飭延榆綏道溫承惠興安府知府周世紹專

派原任紫陽縣丁憂知縣黃靖圖沿江來往巡

查以防疎懈節據稟報本地打魚砍柴裝運糧

食糞草小船相隔三里五里零星停泊者已全

數拘歸南岸其過往商客船隻順流直下無一

定停泊處所者亦於經由總口豎立禁牌並橫
江安索攔阻隨時曉諭惠齡於四月二十九日
札飭移泊船隻各地方官於五月初旬陸續奉
到其時賊匪已抵興安沿江上下處處戒嚴逃
難民人少壯者得以泅水過渡獨帶老幼者奔
聚江岸紛紛叫渡勢甚倉惶地方官惟恐賊匪
假扮難民混入南岸必令鄉保指認明確始准

渡過在各船戶卽無家貲亦顧性命當賊匪未至之前偶有訛傳尙知趨避斷無賊匪已至仍然停泊北岸坐待擄搶之理臣前此具

奏時卽經派委誠實員弁嚴密訪查紫陽白馬石漢王城等處居漢江上游實祇水深三四尺不等各股賊匪俱係騎馬淌渡間有搶過船隻裝載老幼婦女其強壯之賊多係兩人挽手並涉

而臣現在盤獲被賊裹去渡江逃回之人所供
情形質之兩岸山項目擊居民及隨營委員等
稟報俱屬脗合再查惠齡趕抵漢王城卽先差
探馬九匹踏水過江至太山廟跟探賊蹤亦其
明證如果地方官實有疎忽情弊臣仰蒙
聖恩不加譴責仍令自行查叅臣何敢稍涉迴護自
干咎戾均奏入

上命軍機大臣傳諭秦承恩曰據秦承恩奏查明前此
賊匪偷渡漢江時皆係由白馬石漢王城等處尙
渡所奏實屬回護賊匪由漢江偷渡秦承恩身係
巡撫不能預飭嚴防本有應得之咎朕不加嚴譴
仍諭令將地方官據實查叅乃該撫竟不知朕恩
尙稱各股賊匪均係騎馬淌渡兩人挽手並涉顯
爲不肖屬員藉詞開豁冀免罪名大屬非是漢江

一帶或因道路綿長料理不及尙屬情事所有若
云船隻盡泊南岸並無在北岸停泊者則惠齡等
辇獲代賊僱船之錢正萬及船戶人等早經移送
奏承恩處人證確鑿豈能掩飾該撫乃欲爲地方
官飾詞抵賴耶設朕將錢正萬等解京究訊彼時
水落石出該撫能當重戾乎奏承恩著傳旨嚴行
申飭仍著將錢正萬等犯審擬具奏一回將貽悞

地方官及柯藩於賊匪偷渡漢江因何轉赴北岸
之處逐一查明叅奏至籌辦川省糧運一事所辦
尚是該撫務須嚴飭委員上緊妥運以期源源接
濟無悞軍需爲要